

興仁縣補志卷十

人物志 列傳四

忠義

歐陽春魁

李遵化霍祖附

楊仕傑

傅紅旗附何

朱本達

林燦瓊雙附

羅廷贊

方蔚

英華

李慶元

忠玉

王美中

陳占春

胡明德

兆應泰應附

周廷蘭

劉忠附

僧蠻子

小二和尚

劉定國

蕭榮封

陳韜

陳文陳武附

陳永榮

吳治附

李花農

謝明賢

林中杏

李藝圃

興仁縣補志

卷十

陳紹祥

王俊

士偉

周兆麟

蕭鴻漸

歐陽春魁

普安學廩生性耿介工詩文設帳授生徒

惟以忠孝勵來學拙於謀生饗殮不繼晏如也咸豐

四年紅巾亂曾出奇計佐戰守九年回變起力籌防

禦回斷城中汲道因察城南隅蟻緣牆根謂其下必

有水且引管子之言以實之時有年耄者至曰是有

智井久湮矣尚依稀識之乃命李遵化率丁壯掘之

回覘其異置地雷水見衆大噪地雷忽發城圯井堙

遵化死之丁壯死者□□人越□日城破回紮春

魁春魁勸諸回反正陳說利害議論風生回厭其語
殺之其子友柳友蘇聞難奔赴同時被害婦孺皆殉
僅二孫男以身免遵化訓導李同梅猶子幼孤鞠於
叔父學書不成棄而業屠勇於趨事遂及於難同役
知名者有霍祖佑周鍾仁二人鍾仁居西街回衆驟
至舉家避城中汲斷親病渴引飲不得因手鋤隨衆
掘泉城圯回衆冒煙突入鍾仁擊以鋤鋤折執柄奮
驅之斃數回他回環攻死之

節舊志稿

楊仕傑 邑武生入右營効力積功授新城汛把總頗
知兵乾隆六十年從征銅仁苗右脇中矛猶不卻嘉
興仁縣補志

慶初苗叛禦之巴林奮戰久力絕無援死之陣亡士
兵三十一人知名者帷傅紅旗何千里馬二人俱祀
慰忠祠苗變以守城著稱有郭某詳大事志

卷十

二

朱本達 嘉慶元年恩貢生先世家泗水遠祖曰天錫
順治十八年諸生子三其季曰軾字若瞻一字可亭
康熙進士累官文華殿大學士吏部尚書居高安卒
諡文端子二長文鸞次文鳳文鳳康熙五十六年官
江西特授吉安府知府後居安福朱家村長子世元
商於黔遂居新城東關世元生應龍應麒應龍以教
讀居興義應麒生本發本達嘉慶二年仲苗攻新城

至米市街遇本達殺之公訓導李同梅讚之曰誠哉達

留風本發乾隆五十三年諸生起芳文起芝武起秀

起芳生恭寬信武敏恭生燦璋監燦璠文寬生燦珍

文生燦瓊燦瑾燦瑛燦瑜燦瓊以武生歸標充馬兵咸

豐元年從征粵西立功大潢江尋隨總兵李瑞趨昭

平迎經略賽尚阿抵古樹村薄暮賊衆萬餘掩至劇

戰官軍死者百數十燦瓊奮力潰圍保瑞出險轉戰

桂林積功賜五品冠服賞戴藍翎旋以事回里四年

隨安義鎮總兵金剛保平紅巾之亂於新城斬悍酋

數名進克安南九年回圍新城燦瓊部署團防與戰

興仁縣補志

卷十

三

守掘泉之役回以地雷轟城城圯燦瓊植立圯城上

督衆禦之煙塵蔽天昏不見指回蜂擁迭衝不得逞

中以烏銃與族人朱雙林俱及於難雙林東廂廣東

街人從征柳樹灣著戰績因敵夜襲營潰脫險歸里

卒殉燦瓊之難城破其父寬諸父信敏從兄弟皆以

身殉按柳樹灣之役宜即知府率兵三千餘被襲師覆一役詳楊忠熙傳

羅廷贊 冬瓜林仲族回將大舉仲夷陰附者衆廷贊

聞其謀首告官府不為動迨叛跡既彰與弟廷華及

家族戚友互誓不為逆時令人四出探報賊情並為

官賚羽書求援鄰封城圍急率衆五十餘人搗賊營

殺回仲多人挫賊鋒銳因入城助戰守晝夜交綏未嘗少餒仲族附回者遙謂之曰爾何為漢族而戕同種也廷贊讓之曰我義士也不以種族而壞大義與其附逆而貽罵名於後世寧死為忠魂留義聲與人稱說耳城破廷贊退踞冬瓜林圖再舉回屢攻之均不利十一年普安知縣胡祖寅進攻青山營大屯吳家沖以廷贊為犄角祖寅兵潰回遣王巨林王金林王阿勒羅麻保併力攻之逾四晝夜陷之閤宅三十人無少長皆死

方蔚方冀方英方華 兄弟也世居四十畝負忠義嫻

興仁縣補志

卷十

四

擊技遠近知名咸豐四年紅巾亂弟兄隨團練撲滅有功均獎六品軍功九年馬河圖至王家莊聞其名遣孫毛羊招之不應復約曰不入夥請壁上觀我攻冬瓜林勿相援也亦不答徐語毛羊曰他事不知有犯境者殺之而已毛羊復命河圖大怒兩分其衆一由貓貓坪襲四十畝一由方家營吳家沖攻冬瓜林方氏聞方家營吳家沖皆失守率衆援之回即乘虛火其寨分衆尾追之方議迎敵遙見四十畝大火而攻冬瓜林賊復分兵截其前弟兄不知所為乃奪路奔新城至臥雞田壩遇伏華冀死戰不能脫被執回

鬻割之蓋惡其倔強而梗其進路也蔚奔興義府知府胡霖澍以為親兵護衛英走普安請任鄉導十一年知縣胡祖寅進攻青山屯吳家冲營潰莫遇難蔚旋奉命探新城賊其族弟方矮二方阿牛利其家產以間諜首告回捕殺之時同治元年夏四月也

李慶元李忠玉 粍粍舖人所居多回每脇戚友為不義弗從即被戕辱慶元等素憤之亂作陰約普安侯長國侯慎國沈應包羅馬四等共起圖賊長國等壯其謀諾之又遣同里孫九思張世龍四出招集得義勇百數十人部署成因遣使報長國等約期赴敵長

興仁縣補志

卷十

五

國等率隊東來回設伏鑰匙灣夾擊之激戰竟日衆皆憊夜懈於防被襲歿於亂兵慶元等聞耗率衆直撲新城營黃土坡初戰頗利回衆素懼慶元驍勇盡銳輪攻之從勇死散殆盡慶元猶奮臂鏖戰晝夜無寧息陣亡城西隍內李忠玉孫九思張世龍等皆死之

王美中 計屯人安南學諸生讀書觀大略刺取古名人嘉言懿行以教子弟族黨咸宗仰之三時之暇輒集鄉人場圃講演格言如是為常回亂集丁壯數百人諭以大義率之禦回教戰輒有斬馘後與回戰於

擦耳巖部衆死亡過半猶拏旗搏戰力竭陣亡
陳占春 安逸里大山人好擊技有膂力能挽兩石弓
掌能破厚才許石塊習射爛弓馬試入武庠紅中之
亂以鄉團從知府張鏌於新城擒斬亂首三人馘附
從者二十餘人進攻普安斬馘二十餘人轉戰安南
俘亂首五人斬從賊十餘人後攻雞場坪深入敵陣
力竭陣亡

胡明德 左里胡家莊人生有材武好擊技嘗聚佃戶
壯健者教以擊刺回變安南知縣檄辦鄉團部勒胡
家莊王家莊兩村丁壯訓以兵法九月二十三復令

興仁縣補志

卷十

六

督所部到縣進剿至純德里八梅突遇敵回狡而勁
明德所率皆農人當輒披靡孤立無援戰歿其子應
泰興義學武生運輜重從行聞父被圍率健兒數人
橫槍在前叱咤之聲驚震山谷羣回相率辟易因突
圍入見父尸漬血泊中擗踊痛號回復糾圍之應泰
命從人負父尸奮身奪路右突左衝血花飛濺力竭
死之其弟應兆數與回戰不敵退奔興義中途遇伏
死同殉者五十人

周廷蘭周廣蘭 西街人兄弟也回變起嘗與官紳談
防守謂附郭各街巷應駐重兵不可徒憑城不納九

月二十二日回突至乘勢踞附郭各民房負固作戰
城防大受牽制廷蘭頓足曰余言如何今已矣惟拼
一死耳與弟俱出揮戈衝殺大呼殺賊街民無應之
者遂俱死有劉忠詔邑絲商父早死繼嗣於楊姓敦
厚好武事紅巾之亂以軍功得獎六品功牌回事急
隻身揮戈陷敵陣死之

僧蠻子 江西會館住持以勇悍故名會館舊偪南城

郭時城未擴故會館尚在城外回圍城蠻子率徒衆閉門升屋頂

禦之與城內為聲援汲道絕僧衆不時偷水濟城中
逾月城不拔回憤蠻子之作梗力犯會館蠻子擊殪

興仁縣補志

卷十

七

偽元帥馬小固都督杜克端回愈憤輪攻無虛時蠻
子死守十餘日不稍懈回於鄰牆高處中以銃蠻子
驚仆死回乘勢火江西會館僧衆死者十餘人

小二和尚 勇敢善射膂力過人咸豐初獅子墳雙泉
寺老僧噬於虎鄉人羣聚莫敢撻小二過之奮拳擊
虎脫老僧於險僧感其德遂止之年才十五耳其為
僧者養晦也每酒酣耳熱拔劍擊柱欷歔流涕似有
隱痛然終不肯以告人以是無從知其過去為誰者
先是杜文秀據滇東以叛普安廳大河堡一帶回衆
見誘蠢動官府措置乖方遂釀成燎原之勢回圍新

城知縣劉岱英憑城固守割袍壓羽書求援各處團
衆大山陳占璧募兵以應小二與焉道出巴林請於
汛千總王憲謨願為前鋒並請營香爐山乘機觀釁
候援兵齊至分兵繞鴉橋搗其巢不難一鼓蕩平憲
謨以為怯弗納並促其行小二率所部三十六人以
進振臂當先回盡披靡守者疑為回計閉城不納回
出奇兵截其殿致首尾不相應從人星散念事關全
城生命射書入城守者固作壁上觀小二收合殘餘
據圓通寺城中緝食接濟多為回所攫歷七晝夜粒
食未入口猶驅疲憊之衆斬將搴旗追奔逐北回退

興仁縣補志

卷十

八

文家花園以避之未幾中銃死回勢至此益張

節舊志稿

劉定國 定榮兄回攻新城勢銳甚定榮請避其鋒定
國曰吾家久沐國恩不殺賊誓不生當此危急存亡
正大丈夫捨身報國之時即死亦可驚天地泣鬼神
率四子與賊巷戰至十字街力竭均死焉四子者阿
雲阿壽阿貴阿易也

據劉氏家乘

蕭榮封 廩生蕭乾樞叔祖其先世具乾樞傳復城之
役率衆猛攻城東砲臺與子茂源均及於難藁葬東

較場

據蕭坤璞喻先德述聞

陳 韜 國學生初以商起家操奇計贏百不失一道

咸之際鄉里稱為富室性恭謹雖婦孺見必禮敬之未嘗與人忤妻李氏和易亦如之夫婦賓敬八旬偕老有子國典國楨國柱國興國選皆諸生國柱以武生歸標積功擢馬鞭汛把總亂作回約與俱叛不應請餽糧又不應解甲歸來敬恭桑梓見義勇為回亂急韜力任籌款方奉白鏹三百兩送公局充餉適城破回縛之籍其家引韜夫婦至其渠張凌翔曰是善守藏者可作閩人稽出入釘諸門射殺之子國典等五人皆死愛國柱才與熊國瑜並繫於獄國瑜逃去凌翔疑其同謀窮詰之無所得縛而寘之南門引衆

興仁縣補志

卷十

九

犬至今割其肉不得大於錢每割輒大呼曰疤三此汝之錢也將以予犬汝痛惜否已復以火烙之越七日體無完膚氣未絕復射殺之疤三國柱小字也其族陳文陳武時任地方團保與韜同爨辦公持正馬家屯猾回素銜之亂作力率團衆禦敵身先犯難不稍卻城陷縛之西郭并射而鬻之比死罵不絕口陳氏一門男婦及僕來喜俱以身殉婢曰秋紅亦雉經

節舊
志稿

陳永榮 邑處士平易明決善居積然不吝於財遇公益事輒傾囊捐助無告者常受其惠金錢不苟故地

方公款出納常依畀之有大故必公推決策臆度多
中回亂急總理城防籌畫無遺算城陷與子發枝均
被害發枝普安學廩生同時被害者有例貢生吳治
鈞邑富商也嘗捐巨金平治高武馬乃大道施樁掩
骼回亂城被圍者數月民苦飢渴治鈞設法贍之城
陷回以其司公局度支搜而殺之陳屍通渠橋邊

李花農 普安學廩生年五十值回變城防無資倡捐
首輸衣飾充軍用身親刁斗巡守不懈督義勇禦南
城城陷巷戰腦門中刃而仆回徒惡其頑抗剝磔之
謝明賢 邑處士嫻武事子蘭芳亦驍勇善戰回攻城

興仁縣補志

卷十

十

急父子同登陴十一月初五回梯垣入南城明賢手
刃數人餘回麤至與其子均中銃死女墻間三日猶
直立不踣回酋敬而瘞之

林中杏 普安學諸生回變其戚黨家郭外者咸遭焚
掠因痛憤與弟中杰中杞及其子侄發科發勛等禦
南城晝夜登陴伺隙擊之斃多人回以是銜之甚城
破指名索得之磔於其宅諸弟諸子皆被害

李藝圃 普安學優廩生才氣恢宏然不露鋒稜渾如
太璞教授生徒以敦重倫常急公好義為先務從遊
者年約數十人回事急聚門下士用戚繼光練兵法

部勒民團頗具條理無如承平日久耽於逸居卒無濟城破死之其子捷三隻身投趙軍謀復仇不克流寓省垣湘軍至投効達字營以平回功洊升守備光緒初從征臺灣生番晉游擊師還補右營新城汛千總卒於官

陳紹祥 普安學武生富膂力知忠義回圍新城知縣劉岱英嬰城固守任紹祥巡查責城破保岱英走羽毛均回追及以身障之中創死

王俊偉 歲貢生工制藝博及經史三赴秋闈不利絕意進取設帳授徒循循善誘弟子問難灑灑解答必

興仁縣補志

卷十

十一

聽者渙然乃已回變與城防嚴巡邏匝月未交睫城破死之其弟俊士普安學優稟生工詩文下筆成章若宿構研小學知六書工大小篆得岫嶼神韻其師楊茂材官廣東番禺召襄出納稱治歸授於家鄉人從學者衆城破被執不屈殺之東郊子秀超字伯舉既成諸生學為商性耿介不趨權勢娶李氏無出再娶方氏生繼謨卒無嗣

周兆麟 普安學諸生邢家巷人素有血性趨義恐後人咸重其行回圍城入城預防守晝夜巡邏督勵丁壯誓與賊不兩立城破驅衆禦西街戰歿回初入城

東郭董發科董長均立城樓大呼曰回衆大至矣速
逃去回怒殺之城門並屠其家

蕭鴻漸 高石墻人普安優廩生回變預城守與邑父
老謀稱貸以賑飢伐園木供守兵炊爨城破亡去投
總兵趙德昌營充哨弁以勇敢稱迭挫賊鋒後攻苦
筭箐陣亡同治十年亂平有司上其事得旨旌祀慰
忠祠

論曰大亂之興始於積怨久則各爭存亡遂潰決
不可復止與戰守者事敗駢死多慘酷無人道怨
讟之積也久矣聞父老言苗亂為軍民之爭故以

屯戶受禍為最烈回亂為回漢之爭故以客籍受
禍為最烈然殺機之發當路實有以速之微乎危
乎楊仕傑捍衛有責見危授命禮也若朱氏之一
門忠貞兩膺大難免置所謂千城者非耶謝明賢
死事同而獨獲禮葬回猶知重忠義哉